



ქალაქ ფოთის მუნიციპალიტეტის საკრებულო

განკარგულება № 4/20

2021 წლის 30 გვიათი

ქალაქი ფოთი

ა(ა)იპ - ქალაქ ფოთის მუნიციპალიტეტის სოციალური მომსახურების ცენტრის მედდების, ექიმების, შპს - ფოთის სატრანსპორტო კომპანიის მიერ განხორციელებული, მუნიციპალიტეტის ადმინისტრაციულ საზღვრებში რეგულარული სამგზავრო გადაყვანის საფასურის გადახდისგან განთავისუფლებასთან დაკავშირებით გასატარებელი ღონისძიებების შესახებ

ქალაქ ფოთის მუნიციპალიტეტის საკრებულო აღნიშნავს, რომ „ქალაქ ფოთის მუნიციპალიტეტის 2021 წლის ბიუჯეტის დამტკიცების შესახებ“ ქალაქ ფოთის მუნიციპალიტეტის საკრებულოს 2020 წლის 23 დეკემბრის №21/27 დადგენილებით დამტკიცებული ქვეპროგრამის (შპს ფოთის სატრანსპორტო კომპანიის სუბსიდირება-კოდი 06 08) შესაბამისად, მუნიციპალიტეტის ბიუჯეტიდან ფინანსდება, მუნიციპალიტეტის მიერ შექმნილი- შპს ფოთის სატრანსპორტო კომპანია. ზემოხსენებული პროგრამის შესაბამისად, გარკვეული სოციალური ჯგუფები განთავისუფლებული არიან მუნიციპალიტეტის ადმინისტრაციულ საზღვრებში რეგულარული სამგზავრო გადაყვანის საფასურის გადახდისგან.

„ქალაქ ფოთის მუნიციპალიტეტის 2021 წლის ბიუჯეტის დამტკიცების შესახებ“ ქალაქ ფოთის მუნიციპალიტეტის საკრებულოს 2020 წლის 23 დეკემბრის №21/27 დადგენილებით დამტკიცებული ქვეპროგრამის (სოციალური მომსახურების ცენტრის ხელშეწყობა-კოდი - 06 07) შესაბამისად, ხორციელდება შინმოვლის პროგრამა. პროგრამის მიზანია შინმოვლის სერვისის განვითარებისა და დანერგვის გზით უნარშეზღუდული/მოწყვლადი ადამიანებისათვის ჯანმრთელობის მდგომარეობის გაუმჯობესება, კვალიფიციური სამედიცინო და სოციალური მომსახურების მიწოდება საცხოვრებელ ადგილზე იმ პირთათვის, რომლებიც საკუთარ თავს ვერ უვლიან. პროგრამა ვრცელდება ქალაქ ფოთის მუნიციპალიტეტში საქართველოს კანონმდებლობით დადგენილი წესით რეგისტრირებულ მოქალაქეებზე. პროგრამა ითვალისწინებს დაუძლურებული ან/და ლოგინს მიჯაჭვული ბენეფიციარებისათვის, კვალიფიციური მედდების, ექიმისა და ტექნიკური მუშავის დახმარებით, სოციალური და სამედიცინო სერვისების მიწოდებას ადგილებზე. სოციალური და სამედიცინო რეაბილიტაცია მოიცავს მომსახურებას სხვადასხვა მიმართულებით, კერძოდ: საკვებისა და მედიკამენტების მიღებას, წნევის კონტროლს, პირად ჰიგიენას, ყოველდღიურ ინსტრუმენტალურ აქტივობებს და სხვას. პროგრამას ახორციელებს 4 მედდა და 1 ექიმი. ზემოხსენებული პირების სოციალური მხარდაჭერის მიზნით, მიზანშეწონილია, „ქალაქ ფოთის მუნიციპალიტეტის 2021 წლის ბიუჯეტის დამტკიცების შესახებ“ ქალაქ ფოთის მუნიციპალიტეტის საკრებულოს 2020 წლის 23 დეკემბრის №21/27 დადგენილებით დამტკიცებული ქვეპროგრამაში (შპს ფოთის სატრანსპორტო კომპანიის სუბსიდირება-კოდი 06 08) შევიდეს ცვლილება და ა(ა)იპ -

ქალაქ ფოთის მუნიციპალიტეტის სოციალური მომსახურების ცენტრის მედდები, ექიმები განთავისუფლდეს შპს -ფოთის სატრანსპორტო კომპანიის მიერ განხორციელებული, მუნიციპალიტეტის ადმინისტრაციულ საზღვრებში რეგულარული სამგზავრო გადაყვანის საფასურისაგან.

საქართველოს ორგანული კანონის „ადგილობრივი თვითმმართველობის კოდექსი“ 54-ე მუხლის პირველის პუნქტის „გ.ა“ ქვეპუნქტის შესაბამისად, მერი შეიმუშავებს და მუნიციპალიტეტის საკრებულოს დასამტკიცებლად წარუდგენს მუნიციპალიტეტის ბიუჯეტში შესატანი ცვლილების პროექტებს.

საქართველოს ორგანული კანონის „ადგილობრივი თვითმმართველობის კოდექსი“ 48-ე მუხლის პირველი პუნქტის შესაბამისად, მერი უზრუნველყოფს მუნიციპალიტეტის მუნიციპალიტეტის წარმომადგენლობითი ორგანოს გადაწყვეტილებების აღსრულებას.

#### აღნიშნულიდან გამომდინარე:

##### მუხლი 1.

1.ა(ა)იპ -ქალაქ ფოთის მუნიციპალიტეტის სოციალური მომსახურების ცენტრის მედდების, ექიმების სოციალური მხარდაჭერის მიზნით, შპს -ფოთის სატრანსპორტო კომპანიის მიერ განხორციელებული, მუნიციპალიტეტის ადმინისტრაციულ საზღვრებში რეგულარული სამგზავრო გადაყვანის საფასურის გადახდისგან განთავისუფლებასთან დაკავშირებით, ქალაქ ფოთის მუნიციპალიტეტის მერმა(გ.კურდღელია) საკრებულოს წარუდგინოს დადგენილების პროექტი „ქალაქ ფოთის მუნიციპალიტეტის 2021 წლის ბიუჯეტის დამტკიცების შესახებ“ ქალაქ ფოთის მუნიციპალიტეტის საკრებულოს 2020 წლის 23 დეკემბრის №21/27 დადგენილებაში ცვლილების შეტანის თაობაზე“.

2.ქალაქ ფოთის მუნიციპალიტეტის მერმა (გ.კურდღელია) აღნიშნული განკარგულების შესრულებასთან დაკავშირებით გაატაროს შესაბამისი ღონისძიებები.

3.განკარგულების შესრულების კონტროლი დაევალოს ქალაქ ფოთის მუნიციპალიტეტის საკრებულოს სოციალურ საკითხთა კომისიას(ბ.ერაგია).

##### მუხლი 2.

საქართველოს ზოგადი ადმინისტრაციული კოდექსის 52-ე მუხლის მე-2 ნაწილისა და საქართველოს ადმინისტრაციული საპროცესო კოდექსის 22-ე მუხლის მე-3 ნაწილის, „ადგილობრივი თვითმმართველობის კოდექსის“ საქართველოს ორგანული კანონის 62-ე მუხლის პირველი პუნქტის შესაბამისად, აღნიშნული განკარგულება შეიძლება გაასაჩივროს დაინტერესებულმა მხარემ ფოთის საქალაქო სასამართლოში (მისამართი: ქალაქ ფოთის მუნიციპალიტეტი, დავით აღმაშენებლის ქუჩა №3).

##### მუხლი 3.

განკარგულება ძალაშია ხელმოწერისთანავე.

საკრებულოს



ბექა ვაჭარაძე